

Leswi Se U Nga Ponisiwa



Chris Oyakhilome, D.Sc., D.D

Leswi Se U Nga Ponisiwa

Chris Oyakhilome, D.Sc., D.D

Matsalwa hinkwawo lama tshahiweke ma huma eka Hundzuluxo wa King
James wa Bibeke handle ka loko swi hlamuseriwe hi ndlela yin'wana.
Nkandziyiso wa vumbirhi 2003
ISBN 978-34658-7-2

Published by: LoveWorld Publishing Ministry
Copyright © 2006

Vun'winyi byi na swipimelo. Ku tirhisa switsariwa leswi swi helerile kumbe
xiphemu ntsena swi yirisiwile handle ka loko ku ri na mpfumelelo wo koxometa
wo huma eka LoveWorld Publishing.

LESWI NGA ENDZENI

1. WENA WA XIVIRI	7
2. U XIVUMBIWA LEXINTSHWA	11
3. U NI NTUMBULUKO NI VUTOMI BYA XIKWEMBU!	13
4. U ENDLIWE LA LULAMEKE HI XIKWEMBU!	17
5. U HLAYIWA LA NGA RIKI NA NANDZU!	19
6. U ENDLIWE LA TENGEKE!	21
7. U KUTSURIWILE!	25
8. MOYA WA XIKWEMBU U TSHAMA EKA WENA!	28
9. XANA U ENDLA YINI LOKO MIANAKANYO	
YO KA YI NGA RI KAHLE YI TA EMIEHLEKETWENI YA WENA?	31
10. XANA U ENDLA YINI LOKO VANGHANA LAVA KHALE	
VA RINGETA KU KU HETA NTAMU?	41
11. XANA U ENDLA YINI LOKO KU XANISIWA NI MAKHOMBO SWI TA?	
12. MOYA LOWO KWETSIMA NA WENA!	47
13. XANA SWA BOHA KU YA EKEREKENI?	55
	65

Makwerhu La Bhandzekaka

CHoyohoyo eka nyiko ya mahala ya ku ponisiwa leyi u yi amukeleke loko u amukela Yesu Kriste tanihi Hosi ni Muponisi wa wena.

Ndzi lava ku avelana na wena mintiyiso ya nkoka ya ripfumelo ra Vukriste, mintiyiso leyi u nga ta aka ehenhla ka yona vutomi byo tiya no nyanyula eka Kriste. Hlaya tsalwa leri hi ku tiyimisela, rona ri ta ku tisela ntshovelo lowu nga heriki.

Ndzi khongela leswaku Xikwembu Xi ku nyika Moya wa vutlhari ni nhlavutelo eku Xi tiveni; leswaku mahlo ya wena ya ku twisisa ma pfuleka leswaku u ta vona leswaku ku tshemba lokukulu loku Xi hi vitaneleke kona ku nga swona, ni leswaku u ta tiva hinkwaswo leswi u nyikiweke swona mahala eka Kriste, Amen.

Tsalwa leri ri ta ku pfuna ku va u sungula

vutomi bya wena lebyintshwa eka Kriste Yesu. Loko u ri karhi u ri hlaya, ri hlaye xikan'we na Bibe le u dyondza tindzimana hi wexe.

Ndzi pfumela leswaku hungu leri nga ebukwini leyi ri ta cinca vutomi bya wena ni ku ku pfuna ku aka vumundzuku bya wena ku ya hi milawu ya Rito ra Xikwembu.

Xikwembu xi ku katekisa swinene, hi Vito ra Yesu, Amen.

Mfundhisi Chris Oyakhilome

WENA WA XIVIRI

Wena a wo va miri lowu u wu vonaka ntsena. Miri wa wena ko va yindlu leyi rhurheleke switwi swa wena (Switwi swo vona, swo twa, swo khumbha, swo ringa ni swo nuhetela). Endzeni ka wena ku na swin'wana, kahlekahle, ku na un'wana loyi a tlulaka miri wa wena. Loyi ku nga moya wa munhu, loyi ku nga wena wa xiviri.

Munhu loyi wa le ndzeni hi loyi Bibeke yi vulavulaka ha yena eka 1 Petro 3:4: ***“Kambe a ku ve hi munhu wa xihundla xa mbilu, la***

nga onhakiki, a nga ni moya wa ku olova ni ku rhula...”

Loko miri wa munhu wu fa, moya wa yena wu ya emahlweni wu hanya. U tama a ha ri munhu yaluya a a ri yena a nga si fa; a nga lahlekeriwangi hi nchumu handle ka vuswikoti bya ku tirha a va ni xiave emisaveni. Miri wa yena wu nga va wu file kambe munhu wa xiviri, ku nga moya, wa ha ri ni vutivi hinkwabyo lebyi a a ri na byona a nga si fa.

Yesu u hlamusele xitori xa vanhu vambirhi lava nga fa eka Luka kavanyisa ka 16. Un’wana a ku ri xisiwana lexi a xi vitaniwa Lazaro. Mhaka a ku nga ri ku va a ri xisiwana, kambe a ku ri leswaku hambileswi a a ri xisiwana, a a ri na mbilu yo lulama. Loko a fa, u yisiwe exifuveni xa Abraham. Munhu lowa vumbirhi na yena u file. Munhu loyi a a ri n’wankumi laha misaveni, kambe a nga hanyangi vutomi byo lulama.

Tekela enhlokweni leswaku loko a fa, miri wa yena wu lahliwe emisaveni, kambe Yesu u

ri, loko a ri etiheleni, u tlakuse mahlo ya yena kutani a vona Lazaro exifuveni xa Abrahamana swona u kote ku tiva Lazaro. Leswi swi vula leswaku a a ha kota ku vona. Kutani a vitana Abrahamana a ku eka yena, “Ndzi kombela ku pfuniwa!” Wa swi vo, a a ha kota ni ku vulavula. Abrahamana a n’wi hlamula kutani a twa rito ra Abrahamana, leswi vulaka leswaku a a ha kota twa.

Wanuna lowa xifumi u te u twa torha, a a nga twi torha ntsena kambe a a twa ni ku vava lokukulu. Kutani a kombela a ku, ***“Rhuma Lazaro leswaku a peta xintihana xa yena ematini a ta titimeta ririmi ra mina.”*** Switwi swa yena hinkwaswo a swa ha tirha kahle. Kahlekahle a a ha kota ku tsundzuka swilo hikuva u te, “Tatana, ndza ku khongela, rhuma un’wana eka lava feke leswaku a khongotela vamakwerhu.” A a ri na vamakwavo va ntlhanu, kutani a anakanya a ku, ‘Kumbe loko un’wana wa vafi o ya eka vona va nga n’wi tshemba.’ A

a ha tsundzuka ni vama kwavo!

Leswi swi hi kombisa kahle leswaku moya wa munhu wu ya emahlweni wu hanya. Kutani loko munhu a tswariwa ra vumbirhi, i moya wa yena lowu tswariwaka ra vumbirhi!

2 Vakorinto 5:17-18 (NKJV) yi ri,

"Loko munhu a ri eka Kriste, ku tumbuluka leswintshwa; swa khale swi hundzile, ku nghenile leswintshwa. Hinkwaswo leswi swi huma eka Xikwembu, lexi nga endla leswaku hi vuyelelana na xona ha Kriste; kutani xi hi nyikile ntirho wo endla leswaku vanhu va vuyelelana na xona."

U XIVUMBIWA LEXINTSHWA

Leswi se u nga nyiketela vutomi bya wena eka Kriste Yesu naswona u nga n'wi endla Hosi ya vutomi bya wena, a wa ha ri leswi a wu ri xiswona khale. U nga va wa ha languteka ku fana ehandle, kambe endzeni, u munhu lontswphantshwa. Leswi hileswi Bibe le yi vulaka swona, a wo 'fana ni xivumbiwa lexintshwa,' kambe 'wo va xivumbiwa lexintshwa' – muxaka lowuntshwa wa xivumbiwa lowu nga si tshamaka wu va kona (2 Vakorinto 5:17).

A wu lo cinciwa, a wu lo lunghisiwa, a wu lo phoxongiwa; wo va munhu lontshwa – wo ka a nga si tshama a va kona. Kambe, mhaka ya leswaku u xivumbiwa lexintshwa endzeni a swi vuli leswaku u ta languteka u cincile ehandle. Loko kuri leswaku a wu ri na misisi yo koma loko u nga si tswariwa ra vumbirhi, yi ta tama ya ha komile. U ta va wa ha ri na ntirho walowuya, ndyangu ni vaakelani.

Kambe mhaka hileswaku, leswi u swi tekaka swi ri swa nkoka swi cincile. Ku na leswintshwa leswi se u vonaka swi ri swa nkoka evuton'wini, hikuva se u munhu lontshwa endzeni.

U NI NTUMBULUKO NI VUTOMI BYA XIKWEMBU

Leswi u nga tswariwa ra vumbirhi, Xikwembu Xi ku nyike matimba ya ku va n'wana wa Xona (Yohane 1:12). Moya wa wena wu averiwe ntumbuluko wa Xikwembu. U ni vutomi lebyintshwa; vutomi bya Xikwembu lebyi Yesu Kriste a byi nyikaka un'wana ni un'wana la pfumelaka ka yena. Lowu i nkateko lowukulu swinene! Hikokwalaho ke, u ni ku averiwa ka ntumbuluko wa Xikwembu (2 Petro 1:3-4).

Xikwembu se i Tata wa wena sweswi! Njhani? Ntumbuluko wu ta hi ku tswariwa; hi swona swi endlaka leswaku mbyana yi tswala mbyana swi nga cinci. Yohane 1:12-13 yi ri ***“Kambe hinkwavo lava nga N’wi amukela, lava nga pfumela eka Vito ra Yena, u va nyikile matimba ya ku endliwa vana va Xikwembu, lava tswariweke ku nga ri hi ndlela ya ntumbuluko, ku nga ri hi ku navela ka miri, ku nga ri ki ku rhandza ka wanuna, kambe ku ri hi Xikwembu.”***

Xikwembu Xi na ku titwa ka vutswari ehenhla ka wena. U xirho xa Ndyangu wa Xona, hikokwalaho, u muakatiko wa le Tilweni laha Xi tshamaka kona.

Xikwembu xi na vutihlamuleri ehenhla ka wena. Xi ta ku nyika hi ntalo hinkwaswo leswi u swi pfumalaka hi ku ya hi rifuwo ra Xona ni ku dzuneka ka xona eka Kriste Yesu (Vafilipiya 4:19). Xi na kungu ra kahle ehenhla ka vutomi bya wena, leri nga sungula ku tirha

xikan'wekan'we loko u ponisiwa. U n'wana wa rirhandzu, wa Xikwembu xa rirhandzu, naswona u tswaleriwe endyangwini wa rirhandzu. Leswi swi na nkoka swinene. Xi ku nyike vutomi lebyi leswaku u ta va xirho xa Mfumo wa Xona.

Bibele yi vula leswaku Xikwembu xi ku nyike vutomi lebyi nga heriki. Lebyi i vutomi lebyi nga endzeni ka Xikwembu, lebyi endlaka leswaku swi koteka leswaku Xi va leswi Xi nga swona. Lebyi i vutomi bya Xikwembu. Vutomi lebyi byi endle leswaku swi nga koteki ku va sirha ri hlayisa Yesu Kriste. Lebyi i vutomi byo pfuka eku feni, naswona vutomi lebyi byi le ndzeni ka wena sweswi!

"Kutani vumbhoni byebyo, hi lebyi nge: Xikwembu xi hi nyikile vutomi lebyi nga heriki; kutani vutomi byebyo byi le ka N'wana wa xona. La nga ni N'wana u ni vutomi, la nga riki na N'wana wa

Xikwembu, a nga na vutomi. Ndzi mi tsalerile timhaka teto, n'wina lava pfumelaka eka vito ra N'wana wa Xikwembu, mi ta tiva leswaku mi ni vutomi lebyi nga heriki (I Yohane 5:11-13).

Hi loyi ntsena a nga ni N'WANA loyi a nga nia vutomi lebyi, hikuva vutomi lebyi kahlekahle byi le ndzeni ka N'wana wa Xikwembu. Loko u n'wi amukela, u amukele vutomi lebyi.

Vutomi lebyi byi endla leswaku swi nga koteki leswaku u hluriwa hi xiyimo xihi kumbe xihi. Byi ku veka eka xiyimo xa le henhla mikarhi hinkwayo. Wo swi ehleketa kahle! A swi koteki leswaku Xikwembu Xi herisiwa kumbe ku hluriwa. Sweswi se u na vutomi bya Xikwembu: u nga ka u nga herisiwi kumbe ku hluriwa, hikuva Moya lowu nga pfuxa Yesu Kriste eku feni wu tshama endzeni ka wena! (Varhoma 8:11)

U ENDLIWE LA LULAMEKE HI XIKWEMBU!

2 Vakorinto 5:21 yi ri, *“‘Hikuva la nga tivangiki xidyoho, Xikwembu xi n’wi endle xidyoho hikwalaho ka hina, hi ta hlayiwa ha yena lava lulameke emahlweni ka Xikwembu.”*

IWa nga anakanya Xikwembu xi karhi xi endla leswi u nga swi vulaka ‘ku tsuvuriwa na ku ya byariwa eka ndhawu yin’wana ka ntumbuluko’ Xi endle Yesu leswaku a va xidyoho (leswi vulaka, gandzelo ra xidyoho) ematshan’wini ya hina, leswaku hi ta endliwa lava lulameke eka Xikwembu ha Yena.

Hi leswi swi endleke leswaku swi koteka ku Yesu a fa rifu ra mudyohi ematshan'wini ya wena. Mbuyelo wa kona hi leswaku sweswi u nga yima emahlweni ka Xikwembu u nga titwi nandzu, u nga ri na ku chava kumbe ku titsan'wa (Vaheveru 10:19, Varhoma 5:1).

U HLAYIWA LA NGA RIKI NA NANDZU!

Swi vula yini ku va la khanaka? Swi vula ku vuriwa 'la nga riki na nandzu'. Hi ku ya hi Xikwembu, a wu na nandzu wa nchumu. Bibe le yi ri, ***“Kutani leswi hi nga hlayiwa lava nga riki na nandzu hi ku pfumela, hi ni ku rhula eka Xikwembu ha Yesu Kriste Hosi ya hina”*** ((Varhoma 5:1 KJV). U endliwe la nga riki na nandzu

Yesu u tekile xigwevo xa swidyoho swa wena loko a fa exihambanweni, hambileswi

a a nga ri na nandzu wa xidyoho ni xin'we (Petro 2:22). Hikokwalaho Xikwembu a xa ha hlayisangi swidyoho swa wena. Bibeledi yi ri,

"Hikuva Xikwembu a xi ri eka Kriste, loko xi hlanganisa misava na xona, hi leswi vanhu va nga ha hlayeriwiki swidyoho swa vona kutani xi nghenise eka hina marito ya ku hlangana." (2 Vakorinto 5:19)

U ENDLIWE LA TENGEKE

A hi swi teke onge u wele egojini, ivi u thyaka swinene kutani un'wana a ta a ku ponisa – hi vula leswaku, “a ku humesa egojini.” Ku suka kwalaho lexi a wu ta fanela ku xi endla i ku tibasisa. Hi marito man'wana, “Susa goji eka wena,” kutani sweswo swi teka nkarhi naswona swi na ntirho swinene.

*I Vakorinto 6:11 (KJV) yi ri “...kambe
mi hlantswiwile, kambe mi tengisiwile,*

*kambe mi hlayiwile lava nga riki na
nandzu hi vito ra Hosi Yesu, ni hi Moya
wa Xikwembu xa hina.”*

Ku tengisiwa swi ta hi swiyenge swimbirhi: Xikwembu Xi rhanga Xi ku humesa egojini, leswi swi vula leswaku u tswariwa ra vumbirhi, kutani xikan'wekan'we, Bibe le yi ku vula la tengisiweke; la hlawuriweke a hambanisiwa ni misava a va wa Xikwembu. Kutani ke, u fanele u susa goji eka wena hi ku nyiketa miehleketo ya wena eka ntirho wa ku hlantswiwa (ku akiwa hi vuntshwa) hi Rito ra Xikwembu (Varhoma 12:2).

Ku hundzuka u va lontshwa emiehleketweni ya wena i ntirho lowu tshamaka wu karhi wu ya emahlweni. Miehleketo ya wena a yi tolovetiwe ku anakanya hi ndlela yo karhi: yi nga yo va u rhanga u vona swilo hi mahlo u nga si swi kholwa. Kutani ke, loko u hundzula miehleketo ya wena yi va

leyintshwa, u pfumelela miehleketo ya wena ku vona swilo hi ndlela leyi Xikwembu Xi swi vonisaka xiswona. U dyondzisa miehleketo ya wena hi vuntshwa ku vona swilo hi mavonelo ya Xikwembu. Kutani u ta vulavula marito ya Xikwembu, u endla ku fana na Xikwembu ivi u kuma mbuyelo lowu Xikwembu xi wu kumaka ku suka eka Rito ra Xona.

U KUTSURIWILE!

“Nkhensani Tatana la nga mi endla lava lulameleke ku va ni ku averiwa endzhakeni ya vakwetsimi eku vonakaleni; kutani u hi humesile ematimbeni ya munyama, a hi nghehisa eku fumeni ka N’wana wa yena la rhandziwaka, yeloyi hi nga ni ku kutsuriwa ha yena, ku nga ku rivaleriwa ka swidyoho.” (Vakolosa 1”12-13).

Ku suka nkarhi lowu u nyiketeke vutomi

bya wena eka Hosi Yesu Kriste, u hundzuke xirho lexintshwa xa Mfumo wa Xikwembu. Ku hava demona ro tswariwa etiheleni leri nga ku vavisaka sweswi. U ntshuxekile eka ntwanano wihi ni wihi lowu u nga tshama u wu endla, hambi a wu swi tiva hambi a wu nga swi tivi. U ntshuxiwile eka mitolovelo hinkwayo, eka xidyoho, ni le ka mavabyi lama a ma ku bohile. Hikokwalaho ka yini? Hikuva u ntshuxiwile ematimbeni ya munyama!

Bibele yi ri Xikwembu xi ku kutsurile eka ku lawuriwa ni ku fumiwa hi munyama naswona Xi ku yise eMfun'weni wa Xona. A wa ha fanelangi ku chava ni siku ni rin'we. Xikwembu i murisi wa wena naswona Xi tshama Xi ku langute hi mahlo ya ku ku sirhelela (Pisalema 23:1). Bibele yi ri: "Hikwalaho loko N'wana a mi kutsula, mi ta va mi kutsuriwile hakunene" (Yohane 8:36). Xikwembu xi ku kutsulele eka Mfumo wa Xona. Hi laha u nga kona sweswi; hi laha u fanelaka

ku va kona. Ana u ve u kutsuriwile ematimbeni ya munyama. Lemuka leswaku leswi swi le ka nkarhi lowu nga hundza – u ve u kutsuriwile eka matimba ya munyama!

MOYA WA XIKWEMBU U TSHAMA ENDZENI KA WENA!

Mhaka yin'wana yo xonga hi vutomi lebyi byintshwa hileswaku Moya wa Xikwembu U ta A ta tshama eka wena. Loko Moya wa Xikwembu A ta a ta aka eka wena, U ku dyondzisa Rito ra Xikwembu A tlhela A ku nyika ku twisisa lokuntshwa ka Rito.

Hikokwalaho ke, sweswi loko se u hlaya Biblele, u na ku twisisa lokuntshwa emoyeni wa wena n'wini; naswona Rito se ra tirhiseka evuton'wini bya wena.

Xin'wana lexi Moya lowo Kwetsima a xi endlaka i ku ku tsundzuxa Rito ra Xikwembu (Yohane 14:26). Tlhandlakambirhi, U ku nyika matimba ya ku va mbhoni ya Evhangelu ya Yesu Kriste.

"Kambe mi ta nyikiwa matimba, siku Moya lowo Kwetsima wu taka eka n'wina; kutani mi ta va timbhoni ta mina kwala Yerusalema, ni le tikweni hinkwaro ra Yudiya, ni ra Samariya, ni ku ya fika emakun'wini ya misava" (Mintirho 1:8).

XANA U ENDLA YINI LOKO...

*MIANAKANYO YO KA YI NGA RI KAHLE
YI TA EMIEHLEKETWENI YA WENA?*

Ku va u ponisiwile a swi ku siveli ku va u ringiwa, kambe a wu fanelanga ku wela endzingweni wolowo. Bibe le yi hi dyondzisa leswaku nkarhi wun'wana ni wun'wana loko hi ringiwa, Xikwembu xi pfula ndlela ya ku phonyoka ha yona mikarhi hinkwayo (1 Vakorinto 10:13). Se loko mianakanyo leyi nga fanelangiki yi ta emehleketweni ya wena u fanele u:

(1) TSUNDZUKA LESWAKU U XIVUMBIWA LEXINTSHWA

Mianakanyo leyi yi ta eka wena tanihi nsusumeto lowu wu taka hi le handle, i muxaka wa ku ringiwa lowu tisiwaka hi diyavulosi. A hi wena u yi tumbuluxaka emiehleketweni ya wena, ngopfungopfu leswi u nga xivumbiwa lexintshwa. Biblele yi ri hina (vapfumeri lava tswariweke ra vumbirhi) hi na mianakanyo ya Kriste (1 Vakorinto 2: 16). U fanele ku tsundzuka leswaku hi wena mani sweswi, u xivumbiwa lexintshwa! Xikwembu xi lava leswaku hi tshama hi karhi hi tsundzuka leswaku hi swivumbiwa leswintshwa, ni leswaku Xi Hi nyike vutomi lebyintshwa. Vutomi lebyintshwa lebyi, hi byona u faneleke ku pfumela eka byona.

(2) HANYA HI KU YINGISA

Yingisa Xikwembu! A hi nge mianakanyo ya mukhuva wo karhi lowo biha yi ta eka wena. Ntshikelelo wu ta hi matimba eka wena leswaku u endla swona swo biha; u nga pfanga no teka magoza ya le ku sunguleni ya ku endla mukhuva wo biha wa kona. Kambe hi nkarhi walowo, loko u anakanya leswaku u ponisiwile, u munhu lontshwa, xikan'wekan'we u kuma ku titshemba u va ni xivindzi xa ku swi khindlatela makatla.

Yingisa Xikwembu! Lemuka, ku va u ponisiwile a swi vuli leswaku mianakanyo leyo biha a yi nga ti eka wena kambe a wu fanelanga ku yi pfumelela ku ku lawula. Yi alele! Xivulavuri xin'wana a xi vula swona loko xi ku, "u nge siveli swinyenyana ku hahahaha ehenhla ka nhloko ya wena, kambe ntiyiso hileswaku u nga swi sivela ku aka swisaka kona!"

U nga ha tsandzeka ku sivela mianakanyo

leyi ku va yi ku tela hikuva i nsusumeto lowu taka hi le handle, kambe u nga yi sivela leswaku yi aka endzeni ka wena. U nga pfumeleli mianakanyo leyo biha ku aka endzeni ka wena, u nga yi pfumeleli yi ku fuma kumbe ku ku lawula. U nga yi sivela hi ku anakanya leswa kahle ematshan'weni ya yona (Vafilipiya 4:8).

A hi nge a wu ri mutlangi wa mintlangu kutani u ri exitejini laha u faneleke ku tlanga xiyenge xa wansati, kambe hi ntiyiso u ri wanuna. A wu ta ambala swiambalo swa wansati, u ambala na misisi yo endliwa, u tlanga u tlhela u vulavula ku fana ni wansati, kambe u nge rivali leswaku u wanuna loko u hetile ku tlanga exitejini. A wu ta suka exitejini u tlhlelela ekamareni ro cincela eka rona, kutani u cinca u ambala swiambalo swa wena swa ntiyiso u tifambela kahle epatwini. Loko u ya entirhweni hi Musumbhunuku, a wu nga ta rivala leswaku kahle kahle u wanuna. A wu ta vulavula u tlhela u hanya ku fana na wanuna. A swi ta va mhaka

ya vuphunta ku va u ya entirhweni u fika u vulavula u tlhela u tikhoma tanihi wansati, ku fana na leswi u swi endleke loko u ri exitejini vusiku lebyiyani.

Swi tano na le ka wena sweswi. A wu nga hanyi kahle loko u nga si tswariwa ra vumbirhi, kambe se u na vutomi lebyintshwa. Vutomi byebyo byintshwa hi byona u faneleke ku byi hanya sweswi. U tlange xiyenge xa wansati nkarhi wo leha kutani mikarhi yin'wana wa tirivala kutani u tikhoma tanihi wansati. Kambe u tlhela u tsundzuka nakambe leswaku entiyisweni u wanuna kutani u tilulamisa hi wexe. Wa xalamuka ivi u ku, "Iyo; a ndzi wansati; a ndzi le ku tlangeni exitejini; ndzi fanele ku tivuyetela!"

Hi yona ndlela leyi u faneleke ku tshika mikhuva leyo biha ha yona. Tibyele u ku, "Vona, ndzi ponisiwile. Lowu hi wona ntumbuluko wa mina wa xiviri" Swi nga khataleki ku i mukhuva muni, loko u tsndzuka (swa boha

u ta tsundzuka), yima! Tibyele u ku, “Ndzi ponisiwile! Yima kwalaho!”

U nga pfumeleri mphikelelo wa xidyoho ku ya emahlweni, u nga khomiwi hi tingana ku byela un’wana loyi a wu swi endla na yena u ku, “Iyo, u ta ndzi khomela a ndzi nga ha swi endli hikuva se ndzi tswariwe ra vumbirhi.” Dzudza mintolovelo ya khale u yi siva hi leyo saseka. Endla leswi hi ku tiyimisela. Kuma swihlawulekisi leswinene eka Rito ra Xikwembu kutani u titoloveta ku swi edla.

(3) VANA MUENDLI, ENDLA HI KU YA HI RITO!

Xikwembu a xi lavi leswaku hi va vatwi ntsena va Rito:

“Mi va vaendli va rito, mi nga vi vatwi ntsena lava tixisaka. Hikuva loko munhu a ri mutwi wa rito, a nga

ri muendli, u fana ni munhu loyi a langutaka nghohe ya yena ya ntumbuluko exivonini; hikuva wa tinyanga a suka a famba, kutani a hatla a rivala leswi a tivoneke a ri swona” (Yakobo 1:22-24)

U hundzukile muendli wa Rito loko u tsundzuka Rito kutani u endla hilaha ri vulaka hakona. Naswona u ta tshama u ri karhi u ri tsundzuka. Hi xin’wana xa leswi Moya lowo Kwetsima a swi endlaka endzeni ka hina. Yesu u te, “*Kambe Muyimeri, a nga Moya lowo Kwetsima lowu Tatana a nga ta wu rhuma hi vito ra mina, u ta mi dyondzisa hinkwaswo, ni ku mi tsundzuxa hinkwaswo leswi ndzi mi byeleke swona*” (1 Yohane 14:26))

Hi khensa Xikwembu hikuva Moya lowo Kwetsima u kwala. U hi pfuna ku tsundzuka Rito! Se, loko u tsundzuka Rito, u fanele u endla leswi ri vulaka swona. U nga kali u vilela hi ku tsundzuka; Moya lowo

Kwetsima u ta ku tsundzuxa. Kambe u fanele ku va u tiyimiserile ku n'wi yingisa loko a ku tisela mintiyiso leyi emiehleketweni ya wena.

(4) TSUNDZUKA LESWAKU XIDYOHU XI NGA KA XI NGA KU LAWULI

U fanele ku tsundzuka mhaka yin'we: Miehleketo yo ka yi nga ri kahle a yi na matimba ya ku ku kucetela, handle ka loko wo yi pfumelela.

“Hikuva vudyoho byi nga ka byi nga mi fumi ...” (Varhoma 6:14). Xidyoho a xi nga ha vi na vuhosi ehenhla ka wena. A xi nga vi mohluri, hikuva a wu le hansi ka Nawu, kambe u le hansi ka tintswalo. Hi leswi Bibe le yi swi vulaka hi wena.

Xikwembu Xi ku ntshuxile eka matimba ya xidyoho na ya munyama, Xi ku ngenisa eMfun'weni wa Xona

“Naswona khensani Tatana loyi a endleke leswaku na n’wina mi averiwa ndzhaka ya vahlawuriwa, eku fumeni ka ku vonakala. Ul hi humesile ematimbeni ya munyama, a hi rhurhisela eku fumeni ka N’wana wa yena loyi a rhandzekaka, (Vakolosa 1:12-13).

Laha hi laha u nga kona leswi se u nga tswariwa ra vumbirhi. Naswona hileswi swi endlaka leswaku matimba ya munyama ya nga koti ku va na matimba ehenhla ka wena; ya le ka ndhawu ya xidyoho, kasi wena u le ka ndhawu ya vutomi bya Xikwembu, lebyi nga le henhla ngopfu ka ndhawu ya xidyoho. Se wa swi vona ke, xidyoho na matimba ya munyama swi nge swi koti ku ku lawula.

Vakolosa 1:14 (KJV) yi ri

“Loyi eka yena hi nga ni ku kutsuriwa hikwalaho ka ngati ya Yena, ni ku rivaleriwa swidyoho.” Eka Kriste Yesu, hi ni ku kutsuriwa.

Leswi hi leswi hi nga swi tamela sweswi (Vaefesa 2:5-6). A ho ringeta ku va na swona, hi na swona eka nkarhi wa sweswi! Hi fanele hi tshama hi ri na ku tekela enhlokweni Rito ra Xikwembu, hi tlhela hi ri tlangela.

XANA U FANELE KU ENDLA YINI LOKO ...

*VANGHANA VA KHALE VA RINGETA KU
KU HETA NTAMU?*

Leswi se u nga tswariwa ra vumbirhi, u wela eka ndyangu wuntshwa. A wa ha weli eka ndyangu luwa wa khale. Leswi a swi vuli leswaku u fanele u fularhela vanghana va khale na ku nyenya vanhu lava a wu va tiva. U fanele ku va rivoni eka vona. Va ha ri emunyameni, hikuva a va na Yesu Kriste etimbilwini ta vona. U fanele ku tsundzuka leswaku u hundzuke rivoni ra Xikwembu eka vona. Va tivise ta Evhangeli leswaku na vona va ta kota ku landza

Yesu.

Xana u fanele ku endla yini loko va ringeta ku ku heta ntamu? Bibe le yi ri emikarhini ya makumu ku ta humelela vasandzi lava nga ta endla hinkwaswo leswo biha leswi va nga swi anakanyaka, kutani va hleka ntiyiso (2 Petro 3:3-4).

Vasandzi hi lava va ringetaka ku ku heta ntamu va ku tlherisela le ka vutomi bya wena bya khale, kambe u fanele ku ala ku ninginisiwa hi vona. U nga pfumeli leswaku maendlelo ya vona ya yima endleleni ya vudyelwana bya wena na Kriste. Ala ku paniwa na vona mi karhi mi nga fani. U nga amukeli switsundzuxo swa vona. Ematshan'weni ya sweswo, yimela timhaka ta wena na Xikwembu na Rito ra Xona.

KU VA TI PANIWE TI NGA FANI

Emikarhini ya ku sungula ka vurimi byo tirhisa michini, n'wapurasi a a ta pana swifuwo

swimbirhi; xikombiso, tidonki timbirhi kumbe tihavi timbirhi, a ti pana eka puluhu. Swifuwo leswimbirhi a swi ta rima misava loko swi karhi swi famba swin'we. Leswi a swi paniwe swin'we, swifuwo leswi a swi ta kongoma tlhelo rin'we; lomu a ku ya xin'wana, na lexin'wana a xi ta ya kona. N'wapurasi hi yena a a swi komba ndlela kutani a swi boheka ku ya tlhelo rin'we nkarhi hinkwawo lowu a swi ri eka puluhu rin'we.

Se loko kuri leswaku hi swimbirhi i tidonki, a ku vuriwa leswaku "ti paniwe ti fana," kambe loko ku paniwe donki na havi a ku vuriwa leswaku "ti paniwe ti nga fani" (hikuva a swi nga ri swifuwo swa muxaka wun'we). Loko hi fanele hi paniwa swin'we na van'wana, ti fanele "ti paniwa ti fana," hileswaku Mukriste na Mukriste va famba swin'we va ri na vunghana. Kambe loko Mukriste na loyi a nga riki Mukriste va fambisana swin'we tanihi vanghana, *ti paniwe ti nga fani. Kutani Xikwembu Xi ri, "Mi*

nga rhwaleni mpingu wun'we ni lava va nga riki vapfumeri ..." (2 Vakorinto 6:14 -16)

Se wa vona, loko wena na loyi a nga riki mupfumeri mi va na vunghana, mi hanya vutomi byin'we, swi vula leswaku u le ka vuxaka bya ku va ti paniwe ti nga fani, kutani leswi a swi kahle. Xikwembu a Xi ku lavi u ri laha ti nga paniwa ti nga fani, Xi lava u paniwa na Vakriste van'wana mi endla swilo swo fana. Lava va nga riki vapfumeri va nge vi vanghana va wena va le kusuhisuhi. A swi na mhaka leswaku munhu u na mahanyelo lamanene ku fika kwihi, loko a nga tswariwangi ra vumbirhi a nge vi munghana wa wena wa le kusuhisuhi.

A swi koteki, naswona a swi pfumeleleki emahlweni ka Xikwembu hikuva ti paniwe ti nga fani. Mahlelelo ya wena ya munhu ya nge tshineleli eka mahlelelo ya Xikwembu.

Ku na nkarhi lowu Xikwembu Xi nga rhuma Samiele endlwini ya Yese ku ya chela un'wana wa majaha ya yena mafurha

enhlokweni a ta va Hosi ya Israele (1 Samiyele 16:1-13). Loko Samiele a vona jaha lero sungula ra Yese a nga Eliyabu, Samiele a ku , *“Jaha leri yimeke emahlweni ka HOSI Xikwembu, ri ta va ri ri rona leri xi ri hlawuleke,”* hikuva a ri zimukile, ri lehile ri tlhela ri va mpohlo. Kambe Xikwembu xi vulavule na Muprofeta Xi ku, *“u nga n’wi cheli mafurha hikuva a ndzi n’wi hlawulanga.”* Kutani Xi ku, *“... Vanhu va languta nghohe, kambe mina HOSI ndzi languta mbilu.”* Se mahlelelo ya wena ya munhu ya tala ku va ya langute leswi a nga xiswona ehandle – leswi a swi vulaka, leswi a langutekisaka xiswona, mafambelo ya yena.... U nga teka munhu hi ndlela yo karhi hi ku landzelela leswi longoloxiweke, kambe wa swi vona, Xikwembu xi languta leswi vonakaka endzeni.

Loyi a nga siki tswariwaka ra vumbirhi a nga na moya wa kahle eka Xikwembu. Ndlela yin’we ntsena leyi munhu a nga vaka kahle eka Xikwembu hi loko a tswariwa ra vumbirhi.

Lowu hi wona nkarhi wu ri woxe lowu munhu a nga na mfanelo yo va munghana wa wena wa le kusuhisuhi. Loko a nga si tswariwa ra vumbirhi, a nga ka a nga vi munghana wa wena wa le kusuhisuhi; hi ku ya hi swipimelo swa Xikwembu a nga fikeleli ku va sweswo. Leswi se u nga tswariwa ra vumbirhi, ku navela ka wena ku fanele ku va ka ku tsakisa Xikwembu; se, u nga tirhisi swipimelo swa wena. Leswi i swa nkoka swinene.

Mbilu ya wena a yi ve eka swipimelo swa Xikwembu, kutani Xona Xi ta endla leswaku u sirheleleka (1 Vakorinto 10:13).

XANA U ENDLA YINI LOKO...

KU XANISIWA NA MAKHOMBO SWI TA?

Eka Marka 4:1-19, Yesu u hi byele hi xifananiso xa muhaxi. Muhaxi u humile a ya eku haxeni kutani loko a ri karhi a haxa, timbewu tin'wana ti wela endleleni, tin'wana ti wela emaribiyeni, tin'wana ti wela emitweni, tin'wana ti wela emisaveni leyinene. Eka ndzimana ya 16 na 17, Bibe le yi ri,

''Timbewu leti haxiweke emaribiyeni i vanhu lava, loko va twa Rito, va hatli-saka ku ri amukela hi ku tsaka; kambe

*a va ri nyiki nkarhi wo veka timitsu,
va tiyisela nkarhinyana ntsena; kutani
loko khombo kumbe ku xaniseka swi
humelela hikwalaho ka Rito, va hatlisa
va khunguvanyeka''.*

Laha U vulavula hi lava va nga riki na timitsu eka vona vinyi, va tiyisela makhombo nkarhinyana. U ri hambileswi vanhu lavo tano va amukelaka Rito hi ku tsaka, loko khombo kumbe ku xanisiwa swi ta hikokwalaho ka Rito, va khunguvanyeka. Leswi swi humelele eka vanhu vo hlaya.

Leswi Yesu a swi vulaka la hileswaku ku na vanhu lava hi ntiyiso va nga n'wi rhandziki hi rirhandzu leri enteke. Va nyanyuriwa hi Rito ra Xikwembu hikuva ku ni switshembiso swa vutomi lebyi nga heriki, ntsako ni ku hlamuriwa ka swikhongelo, kambe hi ntiyiso a va na rirhandzu leri enteke eka Xikwembu. Se

loko ku xanisiwa hikokwalaho ka Rito ku fika, va lan'wa. Leswi swi vavisa mbilu! Loko ku xanisiwa ni makhombo swi ta, leswi u faneleke ku swi endla i ku landzelela Rito:

(1) U FANELE KU VA NI RIRHANDZU RO ENTA EKA XIKWEMBU

Xikwembu xi lava leswaku u xi rhandza hi rirhandzu leri enteke ri tlhela ri tiya. Rirhandzu ri nga engeteleka kumbe ku hunguteka. Loko u ehleketa hi Xona ngopfu, u yingisela Rito ra Xona u tlhela u va ni xinakulobye na Xona hi swikhongelo, ni rirhandzu ra wena eka Xona ri ta nyanya, hikuva rirhandzu ra engeteleka eka lava nga na ku tshinelelana. Loko u tshinelelana swinene na Xikwembu, swi endla leswaku u xi rhandza swinene. Loko u tata ku yingisela Rito ra Xona, swi endla leswaku u Xi twisisa hi ku enta, u tlhela u xi rhandza, hi laha u nga ta ya u amukela vuXona.

Loko u ri ni rirhandzu lero tiya ro tano eka Xikwembu, Rito ra xona ri mila timitsu embilwini ya wena, kutani loko u kongomane ni xiyimo xo karhi, u ta swi tiva leswaku Xikwembu xi ri yini hi xiyimo xa kona, kutani u ta vula leswi Xikwembu xi vulaka swona hi xiyimo xexo.

Bibele yi ri vutomi ni rifu swi lawula hi ku vulavula (Swivuriso 18:20-21), ni leswaku nomo wu vulavula leswi mbilu yi teleke swona (Matewu 12:34-35,37). Loko u tata mbilu ya wena hi Rito ra Xikwembu, a swi na mhaka ku xiyimo lexi u hlanganaka na xona xi njhani, u ta vona swilo hi ndlela ya Xikwembu, kutani u vulavula hi ku koxometa. Kutani swi ta humelela!

(2) U NGA LAN'WI!

A wu fanelanga ku lan'wa loko ku va na

swiphiqo! Loko u ponisiwile a swi vuli leswaku swiphiqo a swi nga vi kona, naswona a swi vuli leswaku a ku nga vi na miringo. Leswi swi vulaka swona hileswaku loko u hlangana na ku tikeriwa hinkwako, endzeni ka swiphiqo hinkwaswo, Xikwembu xi ta ku hundzisa. Tanihi le ka Pisalema 23:5 leyi nge: ***“U ndzi lunghisela tafula emahlweni ka valala va mina...”*** U nga va u ri exikarhi ka valala va wena kambe a va nga ku herisi: ku xanisiwa a swi nga onhi vutomi bya wena!

Xikwembu a Xi swi lavi leswaku u lan’wa. U fanele u yima u tiya! Hambi swilo swo tika ku fika kwihi, u nga lan’wi! Xikwembi xi ta ku hundzisa, hikokwalaho ke, u nga heli ntamu. Tshama u tshembekile eka Xona kutani Xi nge pfuki Xi ku khomise tingana kumbe ku ku fularhela. U ta hlula eka xiyimo xin’wana ni xin’wana xa vutomi, hikuva swiyimo swi le hansi ka wena. Esaya 43:2 yi ri “Hambiloko mi nghena eswidziveni, ndzi ta va na n’wina. Ni

loko mi pela milambu, a mi nga dyiwi hi mati; hambi mo tshuka mi hundza hi le xikarhi ka ndzilo, a mi nga tshwi, malangavi a ma nga mi hisi. Loko u landza Yesu Kriste, N'wi tirhele hi mbilu ya wena hinkwayo; N'wi landze hi mbilu ya wena hinkwayo swi nga ri na mhaka leswaku u na mintlhontlho ya njhani.

"Kambe a ku khensiwe Xikwembu lexi hi nyikaka ku hlula hi Hosi ya hina Yesu Kriste. Hikokwalaho, vamakwerhu lava rhandzekaka, tiyani swinene mi nga tsekatsekeni; tiyiselani swinene, mi tirhela Hosi hi masiku hinkwawo, mi ri karhi mi swi tiva leswaku eHosini mintirho ya n'wina a yi nga weli ehansi" (1 Vakorinto 15:57-58).

"Xin'wana ni xin'wana lexi tswa-riweke hi Xikwembu, xi hlula misava,

*kutani ku hlula loku hlulaka misava i
ku pfumela ka hina” (1 Yohane 5:4).*

Wa swi vona ke, Xikwembu xi hi nyika ku hlula ha Yesu Kriste Hosi ya hina, leswaku hi nga vi vahluriwa. Dyondza 1 Yohane 5:4 kahle; yi vulavula hi ku hlula loku hlulaka misava, loku ku nga ku pfumela ka hina. Hanya hi ku pfumela; u muhluri, a wu muhluriwa. U twasriwe u ri muhluri, hikuva u tswariwe hi Xikwembu. U n’wana wa Xikwembu, u tswariwe hi Moya wa Xona!

MOYA LOWO KWETSIMA NA WENA.

Ku va u tswariwa ra vumbirhi, i ku tswariwa hi Moya wa Xikwembu (1 Vakorinto 12:13, Yohane 3:5-8). Loko u tswariwe ra vumbirhi, Moya lowo Kwetsima u hundzuka xiphemu xa nkoka evuton'wini bya wena,

U fanele u twisisa leswi A teleke ku ku nyika swona, leswaku u ta kota ku tiphina hi ndzalo ya vutomi leyi nga kona eka Kriste kutani u amukela nyiko (1 Vakorinto 12:8-10)

na matimba (Luka 24:49, Mintirho 1:4-8) lama u nga nyikiwa wona ha Yena.

XANA MOYA LOWO KWETSIMA I MANI?

Eka swiphemu swo hambanahambana swa Bibeledi, hi twa ku vulavuriwa hi Moya lowo Kwetsima.

- Eka Testamente ya Khale, hi N'wi vona A ri karhi A avela matimba ni vuswikoti byo endla swihlamariso (Vaavanyisi 14:6,19).
- Eka Testamente Leyintshwa, hi N'wi vona A tikomba kahle eku tswariweni, entirhweni ni le ka vutomi bya Yesu (Luka 4:18).
- Moya lowo Kwetsima, u tlhela A vonaka eka Mintirho 2:1-4 a ri karhi a tirha evuton'wini bya vadyondzisiwa va Yesu.
- Hi Yena Xikwembu. I Munhu wa xiyimo xa Xikwembu naswona i Munhu wa vunharhu eka Vunharhu bya Xikwembu (Yohane 14:16-17; John 15:26).

- Hi Yena A a ri kona ekusunguleni misava yi nga si va kona (Genesa 1:2).
- Hi Yena mukombisi wa matimba ya Xikwembu. Hi marito man'wana, hi Yena xiphemu xa Xikwembu lexi humelerisaka hinkwaswo leswi Tatana a swi vulaka (Genesa 1).
- Hi Yena Moya wa rirhandzu, matimba ni miehleketo leyi ringaneleke (2 Timotiya 1:7).
- Hi Yena Moya wa Ntshuxeko (2 Vakorinto 3;17).

LESWI MOYA LOWO KWETSIMA A NGA RIKI SWONA

Swi na nkoka ku lemuka leswaku Moya lowo Kwetsima a hi matimba yo susumeta, a hi moya wo hunga, a hi mafurha kumbe tuva, hambileswi eMatsalweni, hi N'wi vonaka a

fananisiwa na swona. A hi Yena 'tindzimi,' hambileswi A hi nyikaka vuswikoti byo vulavula hi tindzimi. A hi Yena 'matimba,' kambe u hi tisela matimba ya Xikwembu. A hi Yena Moya La hi yisaka nakambe eku bohiweni ka ku chava (Varhoma 8:15), kambe i Moya wa Ntshuxeko (2 Vakorinto 3:17)

XANA HIKOKWALAHO KA YINI HI DINGA MOYA LOWO KWETSIMA?

Moya lowo Kwetsima U hi nyika matimba ya tilo (Mintirho 1:8). Rito ra 'matimba' leri hundzuluxiweke ku suka eka rito ra Xigiriki ra 'dunamis' kahlekahle ri vula 'vuswikoti byo hlawuleka lebyi tisaka ku cinca.' Hi loko Moya lowo Kwetsima a ta a ta tshama endzeni ka hina. U hi nyika vuswikoti bya ku cinca swilo evuton'wini bya hina ni le vuton'wini bya van'wana.

— U hi nyika xivindzi xa ku chumayila

Evhangeli (Matewu 28:18-20, Marka 16:15-18)

- Wa hi letela a tlhela a hi komba ndlela (Yohane 16:13, Varhoma 8:14).
- Wa hi chavelela (Yohane 14:18, Mintirho 9:31). Wa hi letela ni ku hi dyondzisa (Yohane 14:26, 1 Vakorinto 2:11-12)
- U famba na hina a tlhela a hundzuka xiphemu xa vutomi bya hina bya masiku hinkwawo (Yohane 14:16).
- U vula vumbhoni swin'we ni moya wa hina leswaku hina hi vana va Xikwembu, hikokwalaho hi vaaveriwa va rifuwo ra Yena eka Kriste Yesu (Varhoma 8:16; Vaefesa 3:6).
- U hi nyika ntshuxeko wo ya eka Xikwembu hi rirhandzu (Varhoma 8:15; 2 Vakorinto 3:17; 2 Timotiya 1:7).

U NGA VA NA VUXAKA NA MOYA LOWO KWETSIMA

Eka Yohane 14: 17 Yesu u ri,

"A nga Moya wa ntiyiso. Misava yi nga ka yi nga n'wi amukeli, hikuva a yi n'wi voni, a yi n'wi tivi. N'wina ma n'wi tiva, hikuva u tshama na n'wina, naswona u le ndzeni ka n'wina."

Ku va na vuxaka na Moya lowo Kwetsima i ku tekela enhlokweni vukona bya Yena na ku amukela ntirho wa Yena evuton'wini bya wena. Hikwalaho, u fanele ku tinyika nkarhi wo va evukoneni bya Yena u va na vudyelwana na Yena na ku n'wi tiva tanihi munghana. U nga va na vuxaka bya muxaka lowu hi ku va na nkarhi wo khongela, ku hlaya Rito, na ku pfumela ku khwenutakhwenutiwa na ku rhumiwa hi Moya lowo Kwetsima.

Loko u tswariwe ra vumbirhi, u khuvuleriwe

eka Moya wa Xikwembu. Ku khuvuriwa swi vula ku pela endzeni ka mati u helela. Xikombiso, u nga teka bolo ya rhaba u yi ndzondzometa ematini endzeni ka dyibavhu, lero bolo yi va yi funengete hi mati hinkwayo ka yona. Leswi hi leswi swi humelelaka loko u tswariwa ra vumbirhi – wa ndzondzometiwa ku fana na bolo liya, eka Moya lowo Kwetsima.

Kambe wa swi lemuka leswaku ku na ku hambana ngopfu eka ku va bolo yi funengete hi mati, na ku va yi tele hi mati yi tlhela yi va yi ndzondzometiwe eka wona. Ku va bolo yi tala, ku fanele ku ri na ndlela yo va mati ma kota ku nghena eka yona. Hi marito man'wana, nchumu lowu bolo yi endliweke hi wona wu fanele ku kota ku pfumelela mati ku va ma nghena endzeni ka bolo. Hi ndlela yaleyo, loko u tswariwa ra vumbirhi, u fanele ku amukela Moya lowo Kwetsima endzeni ka wena, u tlhela u tatiwa hi Yena.

Nakambe, ku va u tatiwe hi Moya lowo Kwetsima a hi nchumu lowu ngo ku khumba kan'we ivi swi va swa vutomi hinkwabyo. Kahlekahle, i nchumu wo vuyelela, u khumbiwa siku na siku (Vaefesa 5:18). Leswi swi fambisana na ku tekela enhlokweni ka wena vukona bya Yena, na ku amukela ntirho wa Yena evuton'wini bya wena. U nga tshama u tatiwile hi Moya lowo Kwetsima, loko u karhi u kula eka vudyelwana bya wena na Yena, hi ku dzunisa, ku khongela, ku dyondza Rito na ku landzelela swileriso na ku khwenutakhwenutiwa hi Yena. Hi ndlela leyi, u nga leteriwa hi Moya wa Xikwembu.

KU VULAVULA HI TINDZIMI TIN'WANA

Tanihiloko se ndzi vurile, Moya lowo Kwetsima u nyika vana va Xikwembu marito ya ku vulavula hi tindzimi tin'wana. Xin'wana xa swikombiso leswi Hosi yi nga te swi ta tikomba

eka Vapfumeri hileswaku va ta vulavula hi tindzimi letintshwa (Marka 16:17).

Lebyi i vuswikoti bya swa ximoya lebyi tlulaka bya ntumbulukoko; lebyi ha byona mupfumeri a vulavulaka thwii, na Xikwembu swi suka emoyeni wa yena, naswona vuswikoti lebyi, byi fikisiwa eka wena tanihi nyiko yo huma eka Moya lowo Kwetsima.

Ku vulavula hi tindzimi tin'wana swi pfa swi vuriwa, "Ku khongela hi Moya." Loko hi vulavula hi tindzimi tin'wana, hi vulavula thwii, na Xikwembu (1 Vakorinto 14:4) kutani mimoya ya hina ya akiwa (Yuda 1:20). Mimoya ya hina yi kuma matimba lamantshwa naswona ntamu a wu hi heleli (Esaya 40:31)

Loko u kala u amukela Moya lowo Kwetsima, u nga vulavula hi tindzimi nkarhi wun'wana na wun'wana loko u swi lava. A nga vulavuli ha wena, kambe U ku nyika vuswikoti byo vulavula. Se u nga ya emahlweni u vulavula

na Hosi hi tindzimi, nkarhi wun'wana na wun'wana loko u swi navela.

Loko u sungula ku vulavula hi tindzimi tin'wana, u ta ya u karhi u swi kota swinene hi ku tshama u karhi u swi endla. Swi fana na n'wana loko a sungula ku vulavula, a vula marito ma nga ri mangani, Loko a ya a karhi a ringeta, swi fika laha a boxaka a vulavula swi twala. Swi tano na ku vulavula hi tindzimi. I ririmi rintshwa, kutani hambileswi a swi nga dingi ku ri dyondza, u ya u boxa swinene loko u tshama u karhi u ri vulavula.

Naswona, loko u tshama u ri karhi u tata ku vulavula hi tindzimi, swi tlakusa levhele ya ku kula ka wena eximoyeni, kutani swi endla leswaku na tinyiko tin'wana ti tikomba, ku katsa na ku vonakarisiwa ka swin'wana leswi humaka eka Moya wa Xikwembu.

XANA SWA BOHA KU YA EKEREKENI?

Eka Matewu 16:18, Yesu u vulavule hi Kereke ya Yena, leyi yi nga miri wa Yena laha misaveni, a ku U ta yi aka naswona tinyangwa ta xivandla xa vafi ti nga ka ti nga yi hluli.

"Kutani ke, miri i wun'we, hambileswi wu nga ni swirho leswo tala; naswona swirho, eku taleni ka swona, swi endla miri wun'we ntsena. Kutani na wona miri wa Kriste, wu tano. Hinkwerhu, hambi hi ri Vayuda kumbe Vagriki,

mahlonga kumbe lava tifumaka, hi hundzukile miri wun'we, hi ku khuvuriwa ka hina eMoyeni wun'we; hinkwerhu hi nyikiwile ku nwa Moya wun'we ntsena. Miri a wu na xirho xin'we ntsena, kambe wu ni leswo tala" (1 Vakorinto 12:12-14).

Hina hi miri naswona Kriste i Nhloko. Vakriste hinkwavo (lava tswariweke ra vumbirhi) i swirho swa miri wa Yena, va tlhela va va swirho un'wana eka un'wana (1 Vakorinto 12:27). Tanihiloko swirho swo hambanahambana swa miri wa munhu swi nga koti ku tirha swi ri swoxe, swirho leswo hambanahambana swa Miri wa Kriste a swi koti ku tirha kahle swi ri swoxe. Leswi swi vangiwa hi leswi Xikwembu xi nga nyika swirho swo hambanahambana swa Kereke tinyiko ni ku vitaniwa ko hambanahambana, leswaku Kereke hinkwayo yi vuyeriwa (1 Vakorinto 12:18-24; Vafesa 11:12).

Ku ya Ekerekeni i ku yingisa ku rhandza ka Xikwembu, naswona swi hi pfuna ku akana hi tinyiko leto hambanahambana to huma eka Xikwembu – masingita, ku hanyisiwa, vuprofeta ni swin'wana leswo tala. U kota ku kuma ku twisisa swinene ka Rito leri dyondzisiwaka, u twa vumbhoni ni ku vona masingita. Ku khongela ni ku dzunisa Xikwembu swin'we, swi tisa 'ntoto wo angarhela' wa Moya lowo Kwetsima, la tirhelaka xirho xin'wana ni xin'wana hi ndlela yo kongoma (Vaheveru 10:25; Mintirho 1:14; Pisalema 133:1-2).

Ku hanya hi Rito u ri wexe i mhaka yo tika loko u nga ngheni Kereke leyi nga tala hi Moya. Kasi, ku nghenelela hi ku hetiseka eka migingiriko ya Kereke leyo tano swi ku kotisa ku tiva swo tala hi Kereke na swirho swa yona. U tlhela u kota ku kula emoyeni (emunhwini wa le ndzeni) ku fika laha u vupfaka. Leswi swi endla rendzo ra wena eRitweni ri olova ni ku tswala swinene mihandzu.

Tanihi Mukriste, u fanele u va na vuxaka na kereke ya le kaya, Kereke leyi u nga ta yi vula KAYA u tlhela u nghenelela hi ku hetiseka eka migingiriko ya yona. Handle ka swona, u ta titsonisa mikateko leyotala ya Xikwembu naswona u ta va u nga xaxameli na Rito ra Xona.

Leswi se u nga tswariwa ra vumbirhi, famba u karhi u tiva loyi u nga yena naswona u nga tshiki ku hlangana na vakwetsimi (Vaheveru 10:25) – Famba Ekerekeni!

KU KULA

Bibele yi ri loko u karhi u twa Rito ra Xikwembu, ku pfumela ku ta eka wena. Ndzi ku hlohlotela leswaku u tikumela tibuku leti nga longoloxiwa laha hansi leswaku u ta kula eximoyeni. Tibuku leti ti ta ku komba leswaku u nga swi kotisa ku yini ku tswala mihandzu ni ku endla leswaku ripfumelo ra wena ri tlakuka leswaku u kota ku endla sweswo.

Tikumele tona. Tirhisa Rito kutani u vona ku cinca evuton'wini bya wena.

To contact the author write:
Pastor Chris Oyakhilome:

United Kingdom:

Unit C2, Thamesview Business Centre
Barlow Way, Rainham, RM13 8BT
Tel.: +44 (0)1708 556 604

South Africa:

303 Pretoria Avenue
Cnr. Harley and Bram Fischer,
Randburg, Gauteng, South Africa.
Tel: +27-11-326 0971,
+27-11-326 0972

Nigeria:

Christ Embassy
Plot 97, Durumi District,
Abuja, Nigeria.

Nigeria:

Plot 22/23 Billings Way, Oregun,
Ikeja, Lagos.
Tel: +234-808 586 5700,
+234-817 198 7339
+234-802 478 9892-3

Please include your testimony or help received
from this book when you write. Your prayer
requests are also welcome.



Chris Oyakhilome, D.Sc., D.D., is the President of LoveWorld Inc. , a dynamic, multifaceted, global ministry. As a pastor, teacher, healing minister, television host, and best-selling author, Pastor Chris has a passion to reach the peoples of the world with God's presence—a divine commission he's fulfilled for more than 30 years and helped millions experience a victorious and purposeful life in God's Word.

He's a prolific writer, the author of "Rhapsody of Realities," the world's #1 daily devotional, distributed monthly around the world in over 3,700 languages, in 242 countries. He has also authored more than 30 other books.

Pastor Chris is the pioneer of an online prayer network (@PastorChrisLive on KingsChat) where Christians the world over are mobilized for prayer and intercession, and the host of "Atmosphere for Miracles," a programme that brings God's divine presence right into your home. The scope of his television ministry extends throughout the world with LoveWorld satellite television networks delivering qualitative Christian programming to a global audience.

The world-renowned Healing School is a ministry of Pastor Chris that manifests the healing works of Jesus Christ, and has helped many receive healing through the operation of the gifts of the Spirit.



ISBN 978-978-51521-0-4

